



Inatsisartuni ilaasortaq Karl Lyberth, Siumut

MAANI

**Angel Mining A/S-imut tunngatillugu pissutsit assigiingitsut pillugit Naalakkersuisunut § 37 naapertorlugu apeqqummut nr. 2012-183-imut akissuteqaat.**

17. august 2012  
Sagsnr 2012-060499.  
Dok. Nr.

Inatsisartut suleriaasianni § 37 naapertorlugu Naalakkersuisunut makkuningga apeqquteqarput:

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

1. "Nalunami kuultisiorfimmi qassit sulisorineqarpat sulisuniillu qassit nunatsinni najugaqarpat.
2. Akileraarutit A-skat-it Nalunami kuultisiorfimmiit qassit landskasse-mut akiliutigineqartarpat?
3. Apeqqutiga 2. akineqarsinnaassanngippat paaserusuppara kuultisiorfimmi sulisut amerlassusaannut naapertuuttumik A-skat-inik akileraaruteqartoqarsimanersoq.
4. Inuussutissarsiummik Ingerlataqartunik Nalunaarsuiffiup allattorsimaffiani (GER) Angel Mining (gold) allaqqavoq GER-nr.-qarluni 12539061. Angel Mining (gold)-ip 2010/2011-mut naatsorsuutaani allaqqavoq Angel Mining (gold)-ip piginnittuni Angel Mining Plc. sinnerlugu Nalunami paaanissamik akuersissuteqalernissaq siunertarigaa. Qanoq isilluni Angel Mining (gold) misissuinissamut akuersissummik peqartutut allaqqasinnaava paaanissamut akuersissummik tigusaqarsimaguni?
5. Aatsitassat pillugit ingerlatallu tamatumunnga pingaarutillit pillugit inatsisartut inatsisaanni §16-nimi allaqqavoq suliffeqarfik aatsitassanik paaasoq Kalaallit Nunaanni najugaqassasoq. Matumuuna paaserusunnarpoq suliffeqarfiup suup Nalunami kuultimik paaaneq ingerlanneraa."

1-imut akissut.

2012-imi aggustimi kuultisiorfimmi sulisut ataatsimut katillugit inuit 95-lupput, taakkunanga inuit 49-it najukkamit atorfinittuullutik aammalu inuit 46-it avataaneersuullutik.

2-imut aamma 3-imut akissut.

Apeqqutit marluk taakkua Akileraartarnermut Aqutsisoqarfimmut oqaaseqarfigisassanngorlugit saqqummiunneqarput. Apeqqutit marluk tamarmik suliffeqarfiup namminersortup aningaasaqarnikkut inissisimaneranut tunngassuteqarput. Taamaattumik Akileraartarnermut Aqutsisoqarfiup paasinninnera malillugu paasissutissat isertuunneqartussat tassani pineqarput, takuuk akileraartarnermik ingerlatsinerneq inatsimmi § 9 aamma suliaassanik suliarinnittarnermut inatsimmi § 27, imm. 1, nr. 6-7, taamaattumillu paasissutissat tamanut saqqummiunneqarsinnaanngillat.

4-imut akissut.

Angel Mining (Gold) A/S Nanortallip eqqaani sumiiffimmi killissalersorneqartumi pīaanissamut akuersissummik 28. september 2009-imiit atuutilersummik tunineqarpoq. Sumiiffik apeqquumi Nalunami kuultisiorfimmik taaneqartoq tassani pineqarpoq. Taamaattoorli kuultimik avammut annissuineq siulleq aatsaat 2011-imi aggustimi pivoq. Ingerlatseqatigiiffiup piffissamut 1. marts 2010-imiit 28. februar 2011-imut ukiumoortumik nalunaarusiaani allassimavoq, ingerlatseqatigiiffiup ingerlataa pingaarneq tassaasoq Kalaallit Nunaanni Nalunami suliassamut -Angel Mining Plc.- ingerlatseqatigiiffiup qullersaqarfia Tuluit Nunaanni nalunaarsorsimasuusoq sinnerlugu pīaanissamut pisinnaatitsissummik pissarsinissaq anguniassallugu. Ukiumoortumik nalunaarusiami ingerlatseqatigiiffiup ingerlataannut tunngatillugu piffissap naatsorsuusiorfiusup ingerlanera pillugu paasissutissat oqaaseqaateqarnissamut pissutissaqalersitsisinnaangillat.

5-imut akissut

Angel Mining (Gold) A/S 28. september 2009 atuutilersummik Nanortallip eqqaani sumiiffimmi killissalersorneqartumi pīaanissamut akuersissummik tunineqarpoq. Angel Mining (Gold) A/S Nanortalimmi angerlarsimaffeqarpoq aammalu ingerlatseqatigiiffit pisinnaatitsissummik pigisaqartutut ingerlatanut pīaanissamik akuersissummi pineqartunut ilaasunut tamaginnut akisussaasuvoq. Inuusutissarsiornermi suliassaqrifiit allat assigalugit, aatsitassanut ikummatissanullu inatsit malillugu pisinnaatitsissummik pigisaqartoq, aatsitassarsiorfiup ingerlanneqarneranut atatillugu suliassanik suliqaarinnissaq pillugu pilersuisuusussanut isumaqatigiissuteqarsinnaavoq. Tamatumani pisinnaatitsissummik pigisaqartup ingerlatat akuersissummi pineqartunut ilaasut maleruagassat aalajangersakkallu atuuttut malillugit ingerlannissaasa isumaginngitsoortussaangilai.

Angel Mining (Gold) A/S aamma pilersuisuusunik atuvoq, kisianni Angel Mining A/S, aatsitassanut ikummatissanullu inatsit malillugu pisinnaatitsissummik pigisaqartuusoq, kulteqrarfiup ingerlanneqarnerata isumaginissaanut akisussaasuvoq.

Inussiarnersummik inuulluaqqusillunga  
Inuusutissarsiornermut Aatsitassanullu Naalakkersuisoq



Ove Karl Berthelsen